



明大洲詩目自玄藏南

登覽

登銅板散花樓

月照樓頭明光散花樓金窗火繼戶珠箔懸銀鈎

飛松綠雲中極日景我晏一作暮雨前三峽蒼江繞

雙流今來一登望如上九天遙一作呼官道一作官道府城

江上望一作望如盤一作如盤南望一作南望王秀一作王秀所一作所處

江上望一作望如盤一作如盤南望一作南望王秀一作王秀所一作所處

江上望一作望如盤一作如盤南望一作南望王秀一作王秀所一作所處

分類補註李太白詩卷之二十一

明長洲許自昌玄祐甫校

登覽

登錦城散花樓

日照錦城頭朝光散花樓金窻夾繡戶珠箔懸銀鈎

飛梯綠雲中極目散我憂一作愁暮雨向三峽春江繞

雙流今來一登望如上九天遊齊賢曰成都記府城亦呼爲錦官城以江

山明麗錯雜如錦散花樓在摩訶池上蜀王秀所建王堂開詐麥積山北跨清渭南漸兩當五百里間巒麥積處其半崛起一石塊高極百萬尋望之團圓如民閒積麥之狀故有此名其青雲半峭壁之間鑿石

成佛萬龕千室雖自人力疑其鬼工功名記云六國
共修自平地積薪至於巖巔從上鑄鑿工畢旋旋拆
薪而下其上有散花樓七佛閣金角銀蹄犢兒及絕
頂有菩薩堂鑿石而成廣若今之大殿雕梁畫拱綉
棟雲楣並就石而成此室之上更有一龕謂之天堂
空中倚一梯攀援而上宋玉招魂云砥室翠翹絃曲
瓊註絃懸也曲瓊玉鈎也三峽明月峽巴峽巫峽蜀
都賦帶二江之雙流註蜀守李冰鑿離堆穿兩江爲
人開川百姓享其利九天見前王贊曰鮑照詩文憲
綉戶垂羅幙三秦記明光宮皆珠璣爲簾箔鮑照詩
垂綵綠雲中宋玉賦曰旦爲朝雲
暮爲行雨又登高遠望使人心瘁

登峨眉山

蜀國多仙山峨眉邈難匹周流試登覽絕怪安可息
青冥倚天開彩錯疑畫出冷然紫霞賞果得錦囊術

雲間吟瓊簫石主弄寶瑟平生有微尚歡笑自此畢

煙容如在顏塵累忽相失儻逢騎羊子攜手凌白日

齊賢曰峨眉縣在嘉州西九十里唐析嘉州置眉州
大峨之中有普賢閣背倚白嵯峰餘十七峰共環之
有茂真尊者舊菴在峰下其傍一峰號呼應孫思邈
所往來傳云茂真與孫嘗相呼而應故名大峨之巔
一名勝峰山佛書以爲普賢大士所居連相光相大
現離騷覽相觀于四極兮周流乎大余乃下屈原悲
回風雲據青冥而攄虹兮遂條忽而捫天西王母出
紫錦囊隱地八經授茅君事見前郡國志吳孫皓
時滕修爲廣州刺史未至州有五仙人騎五色羊來
迎內觀經老君曰騎羊真人金堂玉室士贇曰郭璞
江賦微如地裂豁若天開莊子夫列子御風而行冷
然善也陸機詩輕舉乘紫霞沈約詩象筵鳴寶瑟李
陵與蘇武書曰舉目言笑誰與爲歡
顏延年詩嘉運旣我從欣願自此畢

大庭庫

朝登大庭庫雲物何蒼然莫辨陳鄭火空羃鄒魯烟

我來尋梓慎觀化入寥天古木翔氣多松風如五絃

帝圖終冥沒嘆息滿山川齊賢曰杜預左傳注大庭氏古國名在魯城內魯于

其庭作庫高顯故登以望氣昭公十八年五月宋衛陳鄭皆火梓慎登大庭之庫望之曰宋衛陳鄭也數

日皆來告火禮記舜作五絃之琴以歌南風王贊曰周保章氏以五雲之物卜吉凶水旱降豐荒之象

曰支離叔與滑介叔觀于冥伯之丘崑崙之墟之所休我而柳生其左肘其意蹉蹉然惡之支

曰子惡之乎滑介叔曰亡予何惡生者假借也而生生者塵垢也死生為晝夜且吾與子觀化

及我我又何惡焉又曰安排而去化乃入於寥

晉孝代紀史云曰少康一旅之眾所以闡帝圖

所以興王業

登單父陶少府半月臺

陶公有逸興不與常人俱築臺像半月迴向一作高

城隅置酒望白雲商一作高颺起寒梧秋山入遠海桑

柘羅平蕪水色淥且明一作清令人思鏡湖終當過江

去愛此暫踟躕齊賢曰左傳皇國父為平公築臺妨

起寒烟士贇曰陸機詩置酒高堂陶潛詩遙遙望白

雲樂府云有登望遠海詩云愛而不見搔首高丘而

天台曉望

天台鄰四明華頂高百越門標赤城霞樓棲滄島月
憑高登遠覽直下見溟渤雲垂大鵬翻波動巨鼇沒
風潮爭洶湧神怪何翕忽觀竒跡無倪好道心不歇
攀條摘朱實服藥鍊金骨安得生羽毛千春卧蓬闕
齊賢曰支遁天台山錄云剡縣東南有天台山謝靈
運山居賦注曰天台四明相接連四明方石四面自
然開窓天台賦赤城霞起而建標莊子大鵬激水及
列子巨鼇戴山事見前揚子神怪茫茫古詩棗下纂
纂朱實離離抱朴子曰金丹鍊人身體故能令人不
老不死王贊曰天台山在今台州天台縣西一百二
十里臨海記云天台山超然秀出山有八重視之如
一高一萬八千丈周回八百里洞天福地記云天台
山名上清玉平之天即桐柏真人所理亦名桐柏山
四明山在今明州西八十里山有峰最高四尤在

天色晴霽望之知戶牖相倚華頂峰在天台
北六十里蓋天台第八重最高處高一萬丈絕頂
東望滄海俗號望海尖草木薰郁殆非人世赤城山
在天台縣共六里一名燒山其上石壁皆如霞色望
之如錐堞然故後人以此名之謝靈運詩風潮難具
論謝靈運詩溟漲無端倪古詩攀條折其榮謝眺酬
德賦吹萬化而不喧度千春而可並

早望海霞邊

四明三千里朝起赤城霞日出紅光散分輝照雪崖
一食嚙瓊液五內發金沙舉手何所待青龍白虎車

齊賢曰洞天福地記云四明山三百八十峯洞周回
百八十里名丹山赤水之天山有四門通日月星辰
三光故曰四明與天台相連支遁天台山銘序曰徑
天台當由赤城山爲道孔靈符會稽記曰赤城山石

色皆赤狀似晨霞亦謂之霞城瀑布山天台之西南
峰水從南巖懸注望之如曳布即雪厓也神仙傳沈
羲吳郡人得道帝令遣仙官薄延乘白鹿車司馬生
乘青龍車徐福乘白虎車召羲共載升天士贊曰魏
伯陽周易參同契曰薰
蒸入五內顏色悅澤好

焦山望寥山

石壁望松寥宛然在碧霄安得五綵虹駕天作長橋

仙人如愛我舉手來相招

齊賢曰焦山在鎮江府大江中自金山去四千里士

贊曰楚詞建
綵虹以招指

杜陵絕句

南登杜陵上北望五陵間秋水明落日流光淺遠山

五陵王贊曰傳休奔詩一絕如流光

登太白峰

西上太白峰夕陽窮登攀太白與我語爲我開天關
願乘冷風去直出浮雲間舉手可近月前行若無山

一別武功去何時復見還

齊賢曰唐志鳳翔府郿縣有太白山諺云武功太白

去天三百洞天記第十一太白洞天周回五百里鬼
谷子於此授蘇秦佐國之術錄異記金星之精墜于
終南圭峰西因號太白山其精化爲白石狀如美玉
時有紫氣覆之天寶中元宗立玄元廟夢神人曰太
白北谷有玉石可琢取之紫氣見處是也使求得之
琢象高二丈楚詞命天闢其開闢兮排閭闔而望予
王贊曰晉天文志東方角二星爲天門其間大門也
其內天筵也莊子夫列子御風而行泠然善也江淹

詩遊子何時還毛詩

注曰山西曰夕陽

登邯鄲洪波臺置酒觀發兵

我把兩赤羽來遊燕趙間天狼正可射感激無時閑

觀兵洪波臺倚劒望玉關請纓不擊越且向燕然山

風引龍虎旗歌鐘昔追攀擊筑落高月投壺破愁顏

遙知百戰勝定掃鬼方還

齊賢曰家語赤羽若日白羽若月晉志狼一星在東

井東南狼爲野將主剽掠弧九星在狼東南主備盜賊常向於狼唐沙州燉煌郡壽昌縣西北有玉門關終軍字子雲南越與漢和親軍自請願受長纓必羈南越王致之闕下軍遂往說越王王請舉國南屬天子大說竇憲遣閼盤等與北單于戰于稽落山大破之于是溫犢須日逐溫吾等入十部率衆降

燕然山刻石勒功令班固作銘周禮司常熊虎爲旗
左傳鄭侯賂晉侯歌鐘二匹樂書筑頤其頸細其自
國以竹擊之祭遵爲將軍取士皆用儒術劉涓子設樂
必推歌投壺孫子曰百戰百勝非善之善者易曰震
用伐鬼方士贊曰晉祖逖傳論曰遇時屯而感激左
傳楚子觀兵周郊國語先王耀德不觀兵江淹詩倚
劍臨
八荒

登新平樓

陝西

去國登茲樓。懷歸傷暮秋。天長落日遠。水淨寒波流。
秦雲起嶺樹。胡雁飛沙洲。蒼蒼幾萬里。目極令人愁。

齊賢曰魏志王粲山陽人獻帝西遷粲從至長安以
西京擾亂乃之荊州依劉表爲登樓賦云登茲樓以
四望聊暇目以銷憂毛詩豈不懷歸士贊曰莊子越
之流人去國旬月則見故人而喜人延之詩去國還

故里張平子思玄賦天長地遠歲不留晉書秦雲如
行人莊子天之蒼蒼其正色耶楚詞目極千里兮傷
春心

謁老君廟

先君懷聖德靈廟肅神心
草合人蹤斷塵濃鳥跡深
流沙丹竈滅關路紫煙沉
獨傷千載後空餘松柏林

齊賢曰關令尹喜望紫氣知老子入關與俱之流沙
事詩見二卷上贊曰唐祖老子故白稱爲先君尚書
序曰先君孔子生於周末孟子獸蹄鳥跡之道魏文
帝修孔子廟詔曰俾千載之後莫不修其文以述作

秋日登揚州西靈塔

寶塔
石蒼登攀覽四荒
頂高元氣合標出海雲長

萬象分空界三天接畫梁水搖金刹影日動火珠光
鳥拂瓊簾度霞連繡拱張目隨征路斷心逐去帆揚
露浩梧楸白霜催橘柚黃玉毫如可見於此照迷方
齊賢曰莊子天之蒼蒼其正色耶爾雅孤竹北方西
王母曰下謂之四荒鎧婆利國自交州浮海而至多
火珠大者如雞卵白照數尺日中以艾藉珠輒火出
景福殿賦欒拱天橋而交結士贇曰十洲三島記崑
崙山上有金臺玉闕亦元氣之所合天帝之居治處
淮南子天文訓天地未剖陰陽未判四時未分萬象
未生後漢李邕明堂論萬象翼之三天清微天禹餘
天太赤天也鮑照佛影頌曰色丹貌續留相瓊石金
光絕見玉
毫遺覲

登金陵冶城西北謝安墩

此墩即晉太傅謝安與右軍王羲之同登

超然有高世之志余將
管園其上故作是詩也

晉室昔橫潰永嘉逐南奔沙塵何茫茫龍虎鬪朝昏

胡馬風漢草天驕蹙中原

齊賢曰晉永嘉五胡亂華元帝南渡事見前光武紀

四夷雲集龍鬪野史紀匈奴天之驕子土贊曰謝靈運詩天地中橫潰又崩騰永嘉末繁欽述行賦曰茫茫河濱實多沙塵班固哲匠感頽運雲鵬忽飛翻組

荅賓戲龍戰而虎爭練照楚國旌旗連海門西秦百萬衆戈甲如雲屯投

鞭可填江一掃不足論

一作投策

皇運有返正醜虜無遺

鬼談笑遏橫流蒼生望斯存冶城訪古跡

一作至今

猶有謝安墩憑覽周地險高標絕人喧想像東山姿

緬懷右軍言

齊賢曰哲匠指謝安也注機詩有命集止翻飛自南左傳楚子重伐吳使鄧廖

率組甲三百被練三千杜預注組甲漆甲成組文破練練袍周禮熊虎爲旗折羽爲旌西秦苻堅也堅以百萬之衆伐晉曰以吾之衆棧鞭於江足斷其流謝安遣謝玄等距敵敗之事並見前謝安在東山人曰安若不起當如蒼生何至此果能慰蒼生也冶城在建康世說東山在會稽右軍羲之也王贊曰殷仲文詩哲匠感蕭晨陸機詩胡馬如雲屯公羊傳撥亂反正莫近于春秋晉呂光載記論曰鳴檄而藩晉朝仗義而誅醜虜左思詩談笑却秦軍晉書列女傳論曰橫流在晨晉書索靖傳論曰永嘉蕩覆海內橫流易曰地險山川丘陵也顏延年詩水國周地險蜀都賦陽鳥回翼乎高標濟曰高標高枝也屈原遠遊賦思故舊以想像謝靈運詩想像崑山姿梧桐識嘉樹蕙草留芳根白鷺映

春洲青龍見朝暎地古雲物在臺傾禾黍繁我來酌

清波於此樹名園功成拂衣去歸入

一作長嘯

武陵源

齊賢

旦左傳韓宣子來聘公享之季武子賦綿之卒章韓子賦角弓既宴于季氏有嘉樹宣子譽之武子曰宿敢不封殖此樹以無忘角弓謝靈運詩攀條摘蕙草白鷺洲在金陵城下秦淮之外青龍蒼龍之宿角亢氏房心尾箕也黍離詩周大夫行役過故宗廟宮室盡為禾黍左思詩功成不受賞左傳拂衣而起武陵源在今常德府士贇曰謝靈運詩仰見朝日暎桓子新論雍門周曰高臺既已傾曲池又已平

登瓦官閣

晨登瓦官閣極眺金陵城鐘山對北戶淮水入南榮

漫漫雨花落嘈嘈天樂鳴兩廊振法鼓四角吟

一作吹

風箏杳出霄漢上仰攀日月行山空霸氣滅地古寒

陰生寥廓雲海晚蒼茫宮觀平門餘闌闔字樓識鳳
凰名雷作百山動神扶萬拱傾靈光何足貴長此鎮

吳京

齊賢曰瓦官寺碑云江左之寺莫先於瓦棺晉武時建以陶官故地在秦淮北故名瓦官訛而

為棺或云昔有僧誦經于此既死葬以虞氏之棺墓
上生蓮花故曰瓦棺中有瓦棺閣高二十五丈唐為
昇元閣鍾山即今蔣山淮水即秦淮源于句容漂水
兩山間自方山合流至建鄴貫城中而西以達于江
雨花臺在長干頭梁武時有僧請經於此天雨寶花
佛經云吹大法螺擊大法鼓霸氣六朝也楚詞上寥
廓而無天吳有閭闔門宋元嘉有異鳥來集于此因
建鳳凰臺有鳳凰樓王文考魯靈光殿賦曰神靈扶
其棟宇歷千載而彌堅士贇曰史趙世家曰鈞天廣
樂九奏萬舞謝靈運詩結念屬霄漢潘岳哀永逝文
曰視天日

芳蒼茫

李詩補註

卷二十一

七

登梅岡望金陵贈族姪高座寺僧中孚

鍾山抱金陵霸氣昔騰發天開帝王居海色照宮闕
羣峰如逐鹿奔走相馳突江水九道來雲端遙明沒

時遷大運去龍虎勢休歇

齊賢曰謝眺詩金陵帝王州
荆通曰秦失其鹿天下

共逐之此借以喻山之形也禹貢九江孔殷注孔安國曰江於此州界分爲九道諸葛亮云鍾阜龍盤石城虎踞上贊曰曹植詩壯哉帝王居佳麗殊百城謝眺詩雲端楚山見何晏景福殿賦乃大運之攸戾

我來屬天清登覽窮楚越吾宗挺禪伯特秀鸞鳳骨

一作吾宗道門秀特異鸞鳳骨

衆星羅青天明者獨有月冥居順生

理草木不翦伐煙窗引薔薇石壁老野蕨吳風謝安

展白足傲履屨

齊賢巨手詩勿翦勿伐傳曰明屋之

窗下薔薇葉已抽謝靈運詩野蕨漸紫苞晉書謝玄

等既破苻堅驛書至安喜還內過戶限不覺展齒之

折釋曇足白于面跣涉泥水未嘗汗肘稱白足和尚

士贊曰湯雄羽獵賦大清日晏禮記王制草木零落

然後入

幾宿一下山

一作下山來

蕭然忘于謁談經演金

偈降鶴舞海雪時聞天香來了與世事絕佳遊不可

得春風惜遠別賦詩留岩屏千載庶不滅

士贊曰陶潛詩邈與

世相絕古詩置之懷

袖中三歲字不滅

登金陵鳳凰臺

鳳凰臺上鳳凰遊。鳳去臺空江自流。吳宮花草埋幽

徑○晉代衣冠成古丘○三山半落青天外○二水中分白

鷺洲○摠為浮雲能蔽日○長安不見使人愁○齊賢曰宋元嘉中王

覲見吳鳥集于山時謂鳳凰遂起臺於山吳宮謂孫

權始都建鄴元帝南渡號為東晉三山及白鷺洲浮

雲蔽日事並見前晉明帝曰舉頭見日不見長安士

贊曰晉謝萬傳論曰衣冠屢易遐邇崩心徐敬業詩

回首見長安此詩因懷古而動懷君之思乎抑亦自

傷饒發望帝鄉而不見乃觸境而生愁乎大白之

亦可哀

也已

望廬山瀑布二首

西登香爐峰南見瀑布水挂流三百丈噴壑數十里

欸如飛電來隱若白虹起初驚河漢落半灑雲

銀一作河

天裏一作半瀉

仰觀勢轉雄壯哉造化功海風吹不

斷江山

一作

月照還空空亂深射左右洗青壁飛珠

散輕霞流沫沸穹石而我樂名山對之心益閑無論

漱瓊液且得洗塵顏且諧宿所好永願辭人間

齊賢曰遠

法師廬山記云山東南有香爐山孤峰秀起游氣籠

其上即樊蘊若煙又廬山記云開先禪院舊傳梁昭

明太子之居棲隱也唐元宗始號開先山南山北有

瀑布無慮十餘處香爐峰與雙劍峰在瀑布之傍水

源在山顶人未有窮者或曰西入康王谷為水簾東

為開先之瀑布深水會也但宗切王贊曰禮記氣如

白虹漢鄒陽書白虹貫日古詩河漢清且淺賈誼鵬

賦天地為爐兮造化為工晉書宋纖傳青壁萬尋下

上林賦觸穹石激堆埠漢書張

良傳願棄人間事從赤松子遊

寺南生

卷三

一

其二

日照香爐生紫煙遙看瀑布挂前川飛流直下三千

尺疑是銀河落九天

一本題云望廬山香爐峰瀑布曰廬山上與星斗連日照香爐

生紫煙下兩句同齊賢曰蘇東坡詩話僕初入廬山有以陳令舉廬山記見寄者且行且讀見其中有徐凝和李白詩不覺失笑開先寺主求詩為作一絕云帝遣銀河一派垂古來惟有謫仙詞飛流濺沫知多少不為徐疑洗惡詩

登廬山五老峰

廬山東南五老峰青天削出金芙蓉九江秀色可攬

結吾將此地巢雲松

齊賢曰潯陽記山北有五峰於廬山最為奇峻其形如可中巖

升鼎前五老之形故各南史
宗測曰眷戀雲松輕迷人路

江上望皖公山

奇峰出奇雲秀木含秀氣清宴皖公山巉絕稱人意
獨遊滄江上終日淡無味但愛茲嶺高何由討靈異
默然遙相許欲往心莫遂待吾還丹成投跡歸此地
齊賢曰陶潛詩夏雲多奇峰運命論曰木秀于林風
必摧之唐舒州同安郡治懷寧縣武德五年析置皖
陽有皖山宿松縣武德四年爲嚴州八年廢九域志
宿松在舒州西南百四十里僧祭大師以白衣謁二
祖旣得法隱于皖公山今墓在山谷寺後叅同契曰
金來歸性初乃得爲還丹士贊曰黃帝內景玉經曰
淡然無味
天人糧

望黃鶴樓

東望黃鶴山雄雄半空出四面生白雲中峰倚紅日
巖巒行穹跨峰嶂亦冥密頗聞列仙人於此學飛術
一朝向蓬海千載空石室金竈生煙埃玉潭祕清謐
地古遺草木庭寒老芝朮蹇予羨攀躋因欲保閑逸
觀音徧諸嶽茲嶺不可匹結心寄青松永悟客情畢

齊賢曰岳州黃鶴樓併山事見前公羊傳躋者何路
州山土贊曰詩云英英白雲漢書志白雲起封中司
馬相如傳列仙之儒居山澤間形容甚臞列仙傳赤
松子常止西王母石室中江淹詩石室有幽響人青
松根秀萼惠色出喬樹銑曰青松喻真性

鸚鵡洲

鸚鵡來過吳江水。江上洲傳鸚鵡名。鸚鵡西飛隴山

去。芳洲之樹何青青。煙開蘭葉香風暖。岸夾桃花錦

浪生。遷客此時徒極目。長洲孤月向誰明。齊賢曰鸚鵡洲在郢

州江中。彌衡嘗賦鸚鵡。故名。初孔融薦衡于曹操。操不能容。欲殺之。送劉表。表復不能容。以江夏太守黃

祖性急。故送衡與之。祖長子射為江陵太守。尤善于衡。射大會賓客。人有獻鸚鵡者。射舉札于衡前。曰願

先生賦之。衡攬筆而作辭。彩甚麗。後復不遜。黃祖竟殺之。年二十六。楚詞采芳洲兮杜若。桃花源記云桃

花林夾岸。恨賦曰遷客海上。

九日登巴陵置酒望洞庭水軍

時賊逼華容縣

九日天氣清登高無秋雲造化闢川嶽了然楚漢分
長風鼓橫波合沓蹙龍文憶昔傳游豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃花不掇手戰鼓遙相聞劍舞轉顏陽當時日停曛
酣歌激壯士可以摧妖氛握齕東籬下淵明不足羣
齊賢曰費長房令桓景九日以絳囊盛茱萸登高事
見前高唐賦長風至而波起顏延年詩江漢分楚望
謝朓詩合沓與雲齊孟子一游一豫爲諸侯度漢武
帝秋風詞泛樓船兮濟汾河橫中流兮揚素波左傳
楚子曰古者明王伐不敬取其鯨鯢而封之毛詩悠
悠旆旌家語白羽若月赤羽若日旌旗繽紛下盤于
地時賊逼華容縣故軍于洞庭以爲長沙鄂岳之蔽

楚辭悲哉秋之爲氣也沉寥兮天高而氣清淮南子
虞公與夏戰日欲落公以劍指日日還不落謝宣遠
詩頽陽照通津北史後周高琳詩曰沙漠靜妖氛漢
酈食其傳握齕好荷禮應劭曰握齕急促之貌師古
山齕音勿角切此言淵明不足羣者蓋用武之時儒
士必爲所輕大白
其以淵明自况乎

秋登巴陵望洞庭

清晨登巴陵周覽無不極明湖映天光徹底見秋色
秋色何蒼然際海俱澄鮮山青滅遠樹水綠無寒煙
來帆出江中去鳥向日邊風清長沙浦山空雲夢田
瞻光惜頽髮閱水悲徂年北渚旣蕩漾東流自潺湲

郢人唱白雪越女歌採蓮聽此更腸斷憑厓淚如泉

齊賢曰寰宇記昇屠巴蛇于洞庭其骨若陵故曰巴陵朱世良爲清河守有金剛者曰府石非惟善政清亦徹底謝靈運詩空水共澄鮮長沙雲夢郢人白雪越女採蓮事見前謝靈運詩越客腸今斷劉越石詩淚下如流泉王贊曰謝眺詩平楚正蒼然楚詞帝子降兮北渚又觀流水兮潺湲江淹詩北渚有帝子蕩漾不可期

與夏十二登岳陽樓

樓觀岳陽盡川迴洞庭開鴈引愁心去一作鴈別山

秋江去

山好月來雲間連下榻天上接行杯醉後涼風起吹

人舞袖迴齊賢曰沈休文詩賓至下塵

登巴陵開元寺西閣贈衡嶽僧方外

衡嶽有闡士五峰秀真骨見君萬里心海水照秋月
大臣南溟去問道皆請謁灑以其言清涼潤肌髮
明朝落天鏡香閣凌銀闕登眺食憲風新花期啓發
齊賢曰傳燈錄十六祖羅睺羅多至羅筏城度僧伽
提伽提以右手漸展入地至金剛輪取其露水以琉
璃器貯至大會所寶積經云有風輪名清涼能使一
雲普覆三千大千世界史記三神山居渤海中黃金
白銀爲宮闕士贊曰傳燈錄二十九祖慧可大師宴
坐香山八載見一神曰將欲受果何滯耶也矧日頭
痛如刺其師欲治之空中曰此乃換骨非常痛也師
視其頂骨如五峰秀出矣古詩相去萬餘里維摩詰
經曰如水中月論語不憤不啓不悱不發世說
袁喬曰何嘗見明鏡疲于屢照清流暈于惠風

與賈至舍人於龍興寺剪落梧桐枝望湓湖

剪落青梧枝湓湖坐可窺雨洗秋山淨林光澹碧滋

水閑明鏡轉雲繞畫屏移千古風流事名賢共此時

齊賢曰郡國志夏潦奔注則溢爲此湖冬則涸爲平野文選綠葉發華滋士贊曰孟子此一時也江淹詩金鎔映

秋山

挂席江上待月有懷

待月月未出望江江自流倏忽城西郭青天懸玉鉤

素華雖可攬清景不同遊耿耿金波裏空瞻鵲鵲樓

齊賢曰鮑明遠翫月城西詩始見西南樓纖七如玉

交和哥戶穆七以金波漢書江娥昔在雲陽主
泉宮士贊曰楚詞倏而來兮忽而逝謝朓詩秋河曙
耿耿又金波麗鳩鵲按此詩亦身在江海心存魏
闕之意乎讀者忽之使白心不白于後世惜哉

金陵望漢江

漢江廻萬里派作九龍盤橫潰豁中國崔嵬飛迅湍
六帝淪亡後三吳不足觀我君混區宇垂拱衆流安

今日任公子滄浪罷釣竿

齊賢曰禹貢嶓冢導漾東流爲漢梁武紀全有上流

以此威聲臨九派斷彭蠡傳檄江南六帝吳晉宋齊
梁陳通典吳郡吳興丹陽爲三吳莊子任公子爲人
釣七魚事見前士贊曰木華海賦乖蠻隔夷廻互萬
里郭璞江賦源二分于岷嶰流九派乎潯陽又長波
洑渌峻湍崔嵬謝靈運詩天地中橫潰又區宇旣蕩
滌論語其餘不足觀也已西都賦區宇若茲不可殫

論又衆流之隈漢董仲舒傳虞舜之時垂拱無爲而天下平楚詞使江水兮安流

秋登宣城謝朓北樓

江城如畫裏山晚望晴空兩水夾明鏡雙橋落彩虹
人煙寒橘柚秋色老梧桐誰念北樓上臨風懷謝公

齊賢曰謝朓字玄暉按南史本傳未嘗守宣城而文選載朓郡內高齋閑坐答呂法曹夏在郡卧病呈沈尚書之宣城出新林浦向板橋與敬亭山皆宣城之作齊梁相繼昭明必無差誤古今史傳固有闕文也况至唐猶有謝朓樓則朓守宣城無可疑者士贇曰楚詞建彩虹以標指又臨風恍兮浩歌

望天門山

天門中斷楚江開碧水東流至海迴兩岬青山相對

孤帆一片日邊來

齊賢曰宣州城區二山齊賢曰博望西曰天門輿地志博

望梁山東西隔江相對如門相去數里謂之天門太
白天門山銘曰梁山博望關扁楚濱夾據洪流實爲
吳津晉明帝曰不
聞人從日邊來

望木瓜山

早起見日出暮見棲鳥還客心自酸楚况對木瓜山

齊賢曰木瓜河起真州六合縣通天長縣今其
中間絕水五六十里若浚之亦舟楫之利也

登敬亭北二小山余時客逢崔侍御並登此地

送客謝亭北逢君縱酒還屈盤戲白馬大笑上青山

迴鞭指長安西日洛秦關帝鄉三千里杳在碧雲間

齊賢曰謝亭謝眺亭也晉顧榮歷廷尉恒縱酒酣暢
謂友人張翰曰惟酒可以忘憂但無如作病何耳秦
關謂函谷壠坻二關也莊子曰乘彼白雲至于帝鄉
士贇曰漢書田儼傳縱酒注曰縱放也放意而飲酒
老子曰下士聞道則大笑之陶潛詞帝鄉不可期帝
鄉指京師也非莊子帝鄉之謂江淹詩日暮碧雲合
接白此詩其亦身在江海心在魏闕之意乎食息不
忘君豈特杜甫爲然迄今數百歲未有發明之者惜
哉

過崔八丈水亭

高閣橫秀氣清幽併在君。簷飛宛溪水。窗落敬亭雲。
猿嘯風中斷。漁歌月下聞。閑隨白鷗去。沙上自爲羣。
齊賢曰宛溪敬亭山皆隸宣城列

登廣武古戰場懷古

秦鹿奔野草逐之若飛蓬項王氣蓋世紫電明雙瞳
呼吸八千人橫行起江東赤精斬白帝叱咤入關中
兩龍不並躍五緯與天同楚滅無英圖漢興有成功
按劍清八極歸酣歌大風齊賢曰史記蒯通對高帝曰秦失其鹿天下共逐之
高材疾走者先得焉張晏曰以鹿喻帝位毛詩首如飛蓬項羽至垓下諸侯圍之夜聞漢軍四面皆楚歌
大驚夜起飲帳中自爲詩曰力拔山兮氣蓋世史記
曰項羽亦重瞳子漢書項梁勸籍斬會稽守頭梁持
守頭佩其印綬遂爲會稽守籍爲裨將廣陵人召平
爲陳王徇廣陵未下聞陳敗乃渡江矯陳王命拜梁
楚王上柱國曰江東已定急引兵西擊秦梁乃以八
千人渡江而西高祖以亭長爲縣送徒驪山到豐西

澤中止飲解縱所送徒曰公等皆去吾亦從此逝矣
徒中壯士願從者十餘人高祖被酒夜徑澤中行前
者還報有大蛇當徑高祖乃前拔劍斬蛇行數里醉
因卧後人來至蛇所有一老嫗夜哭人問何哭曰吾
子白帝子化為蛇當道今為赤帝子斬之故哭忽不
見晉夏統傳叱咤歡呼關中言東自函谷關西至壠
坻關兩關之中相去千里皆秦地故曰關中兩龍羽
與高祖漢元年十月沛公兵先諸侯至霸上秦王子
嬰降軹道旁漢志元年十月五星聚于東井以歷推
之從歲星也孟康曰歲星先至井至為主故客謂張
耳曰東井秦地漢王入秦五星從歲星聚當以義取
天下高祖擊布還過沛置酒沛宮酒酣自擊筑為歌
曰大風起兮雲飛揚威加海內兮歸故鄉士贊曰後
漢宦者叙論曰舉動移山海呼吸變霜雪史伯夷傳
論曰橫行天下漢書紀初懷王與諸將約先入關中
者王之韓信傳曰兩龍方闔班固典引曰時至氣動
而龍見淵躍劉向說苑按劍而坐史高帝紀上曰吾
以布衣提三尺劍取天下漢光武紀曰恢弘大道

伊昔臨廣武連兵決雌雄分我一杯羹太皇乃

汝翁戰爭有古跡壁壘頽層穹猛虎嘯洞壑飢鷹鳴

秋空翔雲列曉陣殺氣赫長虹撥亂屬豪聖俗儒安

可通沉湎呼豎子狂言非至公撫掌黃河曲咄咄阮

嗣宗

齊賢曰漢四年破楚大司馬曹咎于成臯汜上羽乃引兵還相與臨廣武之間而語漢軍廣武

就敖倉食孟康曰於滎陽築兩城相對名廣武城在

敖倉西三皇山下羽亦軍廣武相守爲高組置太公

其上曰今不急下吾烹太公漢王曰吾與若俱北面

受懷王約爲兄弟吾翁即若翁必欲烹而翁幸分我

一杯羹相持未決羽曰天下匈匈數歲者徒以我兩

人耳願與漢王挑戰決雌雄漢王笑謝曰吾寧鬪智

不鬪力晉阮嗣宗嘗登廣武觀楚漢戰處歎曰時無

英雄使豎子成名太白謂籍沉湎于酒狂言妄呼如

唯唯之氓不足據也士贇曰揚雄羽獵賦壁壘天旋
陸機詩飢食猛虎窟晉載記曰譬猶養鷹飢則附人
江淹詩孟冬郊祀月殺氣起嚴霜史高祖紀羣臣皆
曰高祖起微細撥亂世反之正平定天下為漢太祖
功最高止尊號為高皇帝叔孫通曰俗儒不達時宜
好是古非今使人眩于名實余嘗讀阮籍傳未嘗不
羨其能以佯狂任達全身遠害于魏晉之交非見遠
識微孰能與于此品量人物之際豈不能識漢高之
為人至發廣武之歎何哉因味其言至于時之一字
則知籍之謂時無英雄者非指漢高也蓋謂所遭之
時炎劉之末桓靈之君無英雄之才卒使神鼎暗移
于臣下也豎子者指曹氏父子籍之興嘆者此也或
曰若然則太白之詩亦失言歟余曰此非太白之詩
也詩中語意錯亂用事無倫理大風之歌能事畢矣
詩乃重申廣武之事此詩本意稱述高帝之美遷因
二書所載如杖義入關縞素誅項軍臨廣武數羽士
罪可稱者為不少矣曾無一語及此分羨之語出于
一時處變之權無可奈何奚何為高祖道者乃詳

之可謂無識者矣太白有識者也肯作此等語乎
故曰此非太白之詩也校定之次釐而置諸卷末以
俟知言者

分類補註李太白詩卷之二十

方
言
補
記

卷
五

五

分類補註李太白詩卷之二十二

明長洲許自昌元祐甫校

行役

安州應城玉女湯作

荊州記云常有玉女乘車投此泉

神女歿幽境湯池流大川陰陽結炎炭造化開靈泉
地底爍朱火沙傍歆素烟沸珠躍明月皎鏡涵空天
氣浮蘭芳滿色漲桃花然精覽萬姝入潛行七澤連
齊賢曰唐安州應城縣西南八十里有玉女池子虛賦楚有七澤王贊曰莊子今一以天地爲大爐造化爲大冶惡乎往而不可哉賈誼鵬賦天地爲鑪兮造化為工陰陽爲炭兮萬物爲銅古詩朱火然其中青

烟颺其間左思魏都賦萬殊之象不同

愈疾功莫尚變盈道乃全濯濯

氣清泚晞髮弄潺湲散下楚王國分澆宋玉田可以

奉巡幸柰何隔窮偏獨隨朝宗水赴海輸微涓齊賢曰易

曰地道寢盈而流謙楚詞與汝沐兮咸池晞汝髮兮陽之阿謝靈運詩乘月弄潺湲楚都郢今江陵府驪山有溫泉明皇幸焉則此玉女湯亦可奉巡幸也惜乎出于窮僻之地徒與江漢朝宗于海耳士贇曰詩云鹿鹿濯濯謝眺詩邑里何疏蕪寒流氣清泚張衡思玄賦弄弱水之潺湲此雖紀詠詩然寄興則謂士不幸而居于僻遠之鄉雖抱王佐之才而無由自達身在江海心存魏闕而已悲夫

之廣陵宿常二南顧北居

綠水接柴門有如桃花源忘憂或假草滿院羅叢萱

眼色湖上來微雨飛南軒故人宿茅宇夕鳥棲楊

還惜詩酒別深爲江海言明朝廣陵道獨憶此傾樽

齊賢曰萱草忘憂事見前王僧達詩楊園流好音土

贊曰綠水見一卷桃花源見二卷雖子曰以此退居

而閑遊江海

山林之士服

夜下征虜亭

船下廣陵去月明征虜亭山花如綉頰紅火似流螢

齊賢曰唐揚州廣陵郡卅陽記曰太安中征虜將軍

謝安立此亭因以爲名世說支道林還東時賢並送

于征虜亭南史陶弘景辭

祿公卿袒之于征虜亭

下途歸石門舊居

吳山高越水清握手無言傷別情將欲辭君挂帆去
離魂不散烟郊樹此心鬱惟誰能論有愧叨承國士

恩雲物共傾三月酒歲時同餞五侯門

齊賢曰吳王夫差都姑蘇

越王句踐都會稽海賦維長綃挂帆席司馬遷書李陵有國士之風漢書王氏五侯師古曰譚商音根逢時凡五侯士贇曰史豫讓曰智伯以國士遇我故以國士報之雲物見前漢樓護傳時王氏賓客滿門五侯爭各具客各有所厚不得左 羨君素書常滿案含
右唯護盡入其門咸得其謹心

丹照白霞色爛余嘗學道窮冥筌夢中往往遊仙山

何當脫屣謝時去壺中別有日月天俛仰人間易凋

朽重峯五雲在軒牖惜別愁窺玉女牕歸來笑把洪

去妻子如脫屣耳後漢費長房汝南人爲市樓
市中有老翁賣藥懸一壺于肆頭及市罷輒跳入壺
中長房于樓上見之因再往奉酒脯翁乃與俱入壺
中唯見仙宮世界樓觀重門閣道翁左右侍者數十
人語房曰我仙人也昔處天曹以公事不勤因謫人
間耳左思詩俛仰生榮華莊子其疾也俛仰之間鍾
峰鍾山也靈光殿賦玉女窺窓而下視郭璞詩左挹
浮丘袖右拍洪崖肩

隱居寺隱居山陶公鍊液棲其間靈神閑

氣昔登攀恬然但覺心緒閑數人不知幾甲子昨夜

猶帶冰霜顏我離雖則歲物改如今了然失所在別

君莫道不盡歡懸知樂客遙相待

齊賢曰南史陶弘景字通明丹陽秣

陵人十歲得葛洪神仙傳晝夜研尋便有養生之志
齊高帝作相引爲諸王侍讀上表辭祿止于茅山中

立館自號華陽隱居梁武既早與遊即位後書問不
絕後合飛丹色如霜雪服之體輕及帝服飛丹有驗
益重之人謂爲山中宰相年逾八十而有壯容仙書
云眼方者壽千歲弘景末年一眼有時而方大同三
年卒年八十五顏色不變屈伸如常香氣累日氤氲
滿山詔謚貞白先生左傳絳縣人曰臣生之歲正月
甲子朔四百有四十五甲子矣

王贊曰禮記饌菽飲水盡其歡

石門流水徧桃花我

亦曾到秦人家不知何處得雞豕就中仍見繁桑麻

條然遠與世事間裝鸞駕鶴又復遠何必長從七貴

遊勞生徒聚萬金產挹君去長相思雲遊雨散從此

辭欲知悵別心易苦向暮春風楊柳絲

齊賢曰石門及桃源事見

前潘岳西征賦窺七貴於漢庭講一姓之或在注七

產三致千金子孫脩其業而息之遂至巨萬古詩上言長相思又晨風懷苦心陸機詩志士多苦心

客中行

蘭陵美酒鬱金香。玉椀盛來琥珀光。但使主人能醉

客。不知何處是他鄉。齊賢曰唐沂州承縣本蘭陵武德四年以縣置鄆州更名承別

置蘭陵鄆城二縣正觀元年州廢省蘭陵鄆城以承屬沂州本草鬱金苗似姜黃花白質紅未秋出莖心無實根黃赤嶺南亦有實似小荳蔻後漢哀牢國出琥珀注云松脂入地千年為茯苓茯苓千年為琥珀
士贇曰古詩云博山鑪中百和香鬱金蘇合及都梁

太原早秋

歲落衆方歇。時當大火流。霜威出塞早。雲色渡江秋。

夢遶邊城月。心一作國樓。思歸若汾水。無日不悠悠。

齊賢曰：顏師古曰：鷦鷯一名買銳，一名子規，一名杜鵑。常以立夏鳴，則衆芳皆歇。說文：鷦鷯，關西曰巧婦。

關東曰鷦鷯。春分鳴，則衆芳生；秋分鳴，則衆芳歇。毛

詩云：七月流火。唐晉州有臨汾汾西二縣。太原府治

晉陽。士贇曰：張景陽詩：大火流坤維。後漢律歷志自

九入度至尾九度曰大火。之次漢書：願從思東歸之

士毛詩：悠悠我心。又淇水悠悠。

奔亡道中五首 江東

蘇武天上田橫島。邊萬重關塞斷。何日是歸年。

齊賢曰：蘇武使匈奴，不降，匈奴徙武北海無人處。

史記：李廣利擊匈奴，又右賢王於祁連山，徐廣生曰。

山漢書田橫與其徒五百人入海居島中

其二

亭伯去安在李陵降未歸愁容變海色短服改胡衣

齊賢曰後漢書崔駰字亭伯爲實憲主簿前後奏記數十指切長短憲不能容出爲樂浪郡長駰以遠去不之官而歸前漢書天漢二年貳師將軍李廣利將三萬騎擊匈奴于天山使李陵將其射士步兵五千出居延北河千餘里欲以分匈奴兵毋令專走貳師陵旣至期還而單于以兵八萬圍擊陵軍陵且引且戰八日未到居延百餘里匈奴遮狹絕道陵食乏而救兵不到遂降匈奴

其三

談笑三軍却交遊七貴疎仍留一隻箭未射魯連書

王贊曰談笑却秦軍及魯仲連爲書射聊城遺燕將事並見前

其四

函谷如玉關。幾時可生還。洛陽爲易水。嵩嶽是燕山。俗變羌胡語。人多沙塞顏。申包惟慟哭。七日鬢毛斑。

齊賢曰後漢班超久在絕域年老思土上疏曰臣不敢望到酒泉郡但願生入玉門關屬燉煌郡王贊曰易水燕山及申包胥走秦庭晝夜哭七日七夜求兵救楚事見前

其五

淼淼望湖水。青青蘆葉齊。歸心落何處。日沒大江西。欵馬傍春陂。欵行遠道迷。誰忍子規鳥。連聲向我啼。

郢門一爲客巴月三成弦朔風正搖落行子愁歸旋
杳杳山外日茫茫江上天人迷洞庭水鴈度瀟湘烟
清曠諧宿好緇磷及此年百齡何蕩漾萬化相推遷
空謁蒼梧帝徒尋溟海仙已聞蓬海淺豈見三桃園
倚劍增浩歎捫襟還自憐終當遊五湖濯足滄浪泉

齊賢曰前漢南郡江陵縣故楚郢都楚文王自丹陽徙北後九世平王城之後十世秦拔楚郢徙東郢唐歸州巴東郡巴州清化郡閬州閬中郡本隆州巴西郡月至八日上弦至二十三日下弦楚詞草木搖落而變衰毛詩言旋言歸楚詞日杳杳以西顏論語磨而不磷涅而不緇顏延年詩謁帝蒼山蹊神仙傳麻

姑謂王遠曰向到蓬萊水又淺於往日會時略半耳
漢武內傳王母降漢宮侍女以玉盤乘仙桃七顆大
如鴨子形圓青色王母以四顆與帝三顆自食帝錄
其核欲種之母曰此桃三十年一生實宋玉賦長劍
耿介倚天外范蠡滅吳還至五湖辭越王齋其輕寶
泛舟而去楚詞滄浪之水濁兮可以濯我足士贊曰
史平津侯傳為客甚困鮑照詩行子心腸斷後漢書
仲長統曰欲卜居清曠以樂其志謝靈運詩清曠招
遠風莊子曰若人之形者萬化而未始有極陶潛文
歲月推遷謝靈運詩逐物遂推遷楚詞蒼梧噉詞兮
叫帝子江淹詩倚劍臨入
荒楚詞惆悵兮私自憐

至鴨欄驛上白馬磯贈裴侍御

側疊萬古石橫為白馬磯亂流若電轉舉棹揚珠輝
臨驛卷提幕升堂接綉衣情親不避馬為我解霜威

指士贊曰爾雅水正絕流曰亂謝靈運詩亂流趨正
絕樂府公無渡河序曰霍子高晨起刺船見一白首
狂夫披髮攜壺亂流而渡揚子曰入其門而升其堂
漢書孫寶曰當從天氣以成嚴霜之威

荊門浮舟望蜀江

春水月峽來浮舟望安極正是桃花流依然錦江色
江色綠且明茫茫與天平逶迤巴山盡搖曳楚雲行
雪照聚沙鴈花飛出谷鶯芳洲却已轉碧樹森森迎
流目浦烟夕揚帆海月生江陵識遙火應到渚官城
齊賢曰明月峽隸渝州成都府有錦江織錦濯其中
則鮮明唐峽州夷陵縣有巴山寨毛詩出自幽谷遷

于喬木楚辭采芳洲兮杜若通典江陵縣有楚渚宮
蕪城賦璇淵碧樹王贊曰月令仲春之月始雨水桃
始華蓋桃方華時既有雨水川谷氷泮衆流猥集波
瀾盛長故謂之桃花水而韓詩傳云三月桃華水謝
靈運詩逶迤傷隈隩鮑照詩搖曳高帆舉晉書天文
志楚雲如日郭璞詩揚志玄雲際流目矚巖石謝靈
運詩揚帆
采石華

上三峽

巫山夾青天巴水流若茲巴水急可盡青天無到時
三朝上黃牛三暮行太遲三朝又三暮不覺鬢成絲

齊賢曰夔州巫山縣圖經巫山綿亘七百里自非亭
午夜分不見日月江行彷彿九峯三峯在後不見涪
陵江一名巴江黃牛峽在峽州

自巴東舟行經瞿塘峽登巫山最高峰晚還題
壁

江行幾千里海月十五圓始經瞿塘峽遂步巫山巔
巫山高不窮巴國盡所歷日邊攀垂蘿霞外倚穹石
飛步凌絕頂極目無纖烟却顧失丹壑仰觀臨青天
齊賢曰自渝州明月峽至夔州西陵峽四千里鬼門關隔山即瞿塘峽上有瞿塘關吏舍下瞰灩澦堆其東小路數百步絕處即白帝祠旁有三峽堂臨瞿塘峽口自此半日至夔州士贇曰上林賦觸穹石激堆
埳張揖曰穹石大石也鮑照詩飛步遊秦宮易曰仰觀天文俯察地理青天若可捫銀
漢去安在望雲知蒼梧記水辨瀛海周遊孤光晚歷

覽幽意多積雪照空谷悲鳳鳴森柯歸途行欲曛佳

趣尚未歇江寒早啼猿松暝已吐月月色何悠悠清

猿響啾啾辭山不忍聽揮策還孤舟

齊賢曰歸藏啓筮有白雲出自

蒼梧入于大梁謝眺詩雲去蒼梧野白駒詩在彼空谷左傳憂未歇也王贊曰楚辭儵忽而捫天鮑照詩孤光獨徘徊謝靈運詩江南倦歷覽陸機詩積雪被長巒江淹詩悲風撓重林楚詞猿啾啾兮攸夜鳴

早發白帝城

一作白帝下江陵

朝辭白帝彩雲間千里江陵一日還兩岸猿聲啼不

盡輕舟已過萬重山

一作須臾過却萬重山齊賢曰白帝城公孫述所築初公孫述

至魚復有白龍出井中自以承漢土運故號白帝城

百四十五里

秋下荆門

霜落荆門江樹空。布帆無恙挂秋風。此行不爲鱸魚

鱠。自愛名山入剡中。

齊賢曰唐荊州縣隸江陵府盛弘之荊州記曰郡西沂江六十

里南岸有山名荊門北岸有山名虎牙二山相對楚之西塞顧愷之爲殷仲堪參軍在荊門因假還仲堪特以布帆借之至破冢遭風大敗與仲堪雙曰地名破冢真破冢而出行人安穩布帆無恙晉張翰思鱸魚事見前剡縣隸會稽多名山水

江行寄遠

剡木出吳楚危檣百餘尺疾風吹片帆日暮千里隔

別時酒猶在已爲異鄉客思君不可得愁見江水碧

齊賢曰易繫辭剡木爲舟說文槎邪斫木鋤如切王贊曰史記張騫乘槎乃剡全木爲之至今沅湘中有此名爲桐槽船謝莊月賦隔千里兮共明月鮑照詩何況異鄉客古詩思君令人老

宿五松山下荀媼家

我宿五松下寂寥無所歡田家秋作苦鄰女夜春寒
跪進彫胡飯月光明素盤令人慙漂母三謝不能餐

齊賢曰楊惲書曰田家作苦子虛賦注彫胡菰菜也菰蔣也沈休文詩彫胡方自炊韓信釣於城下諸母漂有一母見信飢飯信檀弓曰其嗟也可去其謝也可食士贊曰劉楨詩能不懷所歡

湫澗鳴嘈嘈兩山足猿猱白波若卷雪側足不容舠

漁子與舟人撐折萬張篙

齊賢曰毛詩曾不容舠箋曰小船曰舠王贊曰莊子

白波若山鮑照詩嘈嘈晨鼓鳴木華海賦於是舟人漁子徂南極東

下陵陽公高溪三門六刺灘

三門橫峻灘六刺走波瀾石驚虎伏起水狀龍縈盤

何慙七里瀨使我欲垂竿

齊賢曰甘州記桐廬縣有七里瀨瀨下數里至嚴陵

瀨王贊曰鮑照集三尹無喜色一適或垂竿

夜泊黃山聞殷十四吳吟

昨夜誰爲吳會吟風生萬壑振空林龍驚不敢水中

臥猿嘯時聞巖下音。我宿黃山碧溪月。聽之却罷松
間琴。朝來果是滄洲逸。酤酒醞盤飯霜粟。半酣更發
江海聲。客愁頃向杯中失。齊賢曰魏文帝詩行行至吳會莊子就藪澤處閑曠
此江海之士也士贇旦禮記鳶鳴則風生淮南子虎嘯而谷風生列子薛談撫節悲歌聲振林木

宿鰕湖

雞鳴發黃山。暝投鰕湖宿。白雨映寒山。森森似銀竹。
提携採鉛客。結荷水邊沐。半夜四邊開。星河爛人目。
明晨大樓去。崗隴多屈伏。當與持斧翁。前溪伐雲木。

齊賢曰說文鉛黑錫大樓隸宣城士贇

懷古

西施

西施越溪女出自苧蘿山秀色掩今古荷花羞玉顏
浣紗弄碧水自與清波閑皓齒信難開沉吟碧雲間
句踐徵絕豔揚蛾入吳關提携館娃宮杳眇詎可攀

一破夫差國千秋竟不還

齊賢曰寰宇記西施施其姓也會稽諸暨縣有東施

家西施家又會稽縣東大里有土城山句踐得諸暨採薪二女西施鄭旦令習禮于土城山上以獻吳王山邊有石是西施浣紗石張衡七辯曰淑性窈窕秀色美艷洛神賦曰光潤之玉顏江淹詩日暮碧雲合王粲七釋揚蛾眉而頰肯士贊曰圖經苧蘿山在諸暨縣南五里吳越春秋越王謂大夫種曰孤聞吳王

浮而好色惑亂沉湎不領政事因此而謀可乎種曰
可夫吳王淫而好色宰嚭佞以曳心惟王選擇美女
進之越王乃於苧羅山得鬻薪之女曰西施鄭旦飾
以羅縠教以行步習于土城臨于都巷三年學服而
獻于吳曹植詩誰爲發皓齒圖經靈巖山在蘇州城
西二十里又名硯石山吳王之別苑在焉有館娃宮
琴臺響屨廊西施洞山頂之屬戰國策楚王謂安陵
君曰寡人萬歲千秋之後子誰與爲樂也鮑照詩一
去無還期千秋
萬歲無音詞

王右軍

右軍本清真瀟灑出風塵山陰過羽客愛此好鵝賓
掃素寫道經筆精妙入神書罷籠鵝去何曾別主人
齊賢曰王羲之字逸少爲右軍將軍會稽長史庾亮

之道士云爲寫道德經當舉羣相贈羲之欣然寫畢
籠鵝而歸書斷云逸少隸行草章草飛白五體俱入
神八分尤妙王贊曰孔稚圭北山移文瀟洒出塵之
想江淹別賦洞雲之
墨妙嚴樂之筆精

上元夫人

上元誰夫人偏得王母嬌嵯峨三角髻餘髮散垂腰
裘披青毛錦身着赤霜袍手提羸女兒閑與鳳吹簫
眉語兩自咲忽然隨風飄

齊賢曰漢武內傳曰上元夫人道君弟子也亦玄古

以來得道總統真籍亞于龜臺金母漢武元封元年
七月七日夜西王母降于漢宮命侍女郭密香邀夫
人同宴俄而夫人至年可二十餘服青霜袍雲彩亂
色非錦非繡不可名字頭作三角髻餘髮散垂至腰

戴九雲夜光之冠帶太山火玉之珮上殿向王母拜
王母坐止之呼同坐北向夫人設厨厨亦精珍後宣
帝地節四年茅盈為太元真人又與王母降于句曲
山金壇之陵華陽天官以宴茅盈嬴女秦穆公女弄
玉也喜吹
簫作鳳鳴

蘇臺覽古

舊苑荒臺楊柳新。菱歌清唱不勝春。只今惟有西江

月曾照吳王宮裏人。

齊賢曰吳王夫差都蘇州有桂苑姑蘇臺春霄宮海靈館館娃

閣以宮妓千人為長夜飲造千石酒鐘作天池池中
作青龍舟舟中盛陳妓樂日與西施為水戲張景陽
七命曰榜人奏采菱之歌歌曰乘
鳧舟兮為水嬉臨芳洲兮采雲芝

越中覽古

越王句踐破吳歸。義士還鄉盡錦衣。官女如花滿宮殿。

只今惟有鷓鴣啼。齊侯曰史記吳王夫差北會諸

老弱與太子留守句踐侯曰史記吳王夫差北會諸

君子三千人諸御千人侯曰史記吳王夫差北會諸

成于越越自度未能滅吳侯曰史記吳王夫差北會諸

因而留圍之三年吳師敗侯曰史記吳王夫差北會諸

請成句踐欲許之范蠡曰侯曰史記吳王夫差北會諸

之可乎乃鼓進兵吳王遂侯曰史記吳王夫差北會諸

太宰嚭鵠侯曰史記吳王夫差北會諸

南山四皓

白髮四老人昂藏南山

側偃蹇松雪間冥翳不可識

雲牕拂青靄石壁橫翠

色龍虎方戰爭於焉自休息

秦人失金鏡漢祖昇紫

極陰虹濁太陽前星遂淪匿

一行佐明聖倏起生羽

異功成身不居舒卷在胃臆

宵冥合玄化茫昧信難

測飛聲塞天衢萬古仰遺跡

齊賢曰陳留志韋度字

明常居園中世謂之園公

與河內軹人角里先生

里季夏黃公為友避秦入

商山是為四皓後說高祖

太子得不易事並見四卷

雜書曰秦失金鏡喻月道

也晉志北極五星在紫宮

中北極北辰最高者又云

心三星天王正位中星曰

明堂天子位為大辰前星

為太子後星為庶子說文

霓屈虹青赤或白色陰氣

也郭氏曰雄曰虹謂陽盛

者雌曰蜺謂暗微者以喻

夫人也老子曰功成名

遂身退天之道也淮南子

曰盈縮卷舒與時變化士

贊曰北史高昂字敖曹幼

時便有壯氣以其昂藏敖

曹故以名字之張衡思玄賦

遊塵外而瞥天兮據雲

長才而展鳥迹固答賓戲曰

于

龍單虎爭云云于馬道遙治
淪于不測又曰人無虧缺于
乎昧乎未之盡者陶潛詩云八
易曰荷天之衢亨晉書忠義我傳
薄俗于當年王粲詩
先民遺跡來世之矩

過四皓墓

我行至商洛。幽獨訪神仙。
園綺復安在。雲蘿尚宛然。
荒涼千古跡。蕪沒四墳遠。
伊昔鍊金鼎。何年閉玉泉。
隴寒惟有月。松古清無煙。
木魅風號去。山精雨嘯旋。
紫芝高詠罷。青史舊名傳。
今日併如此。哀哉信可憐。

齊賢曰唐商州上洛郡商洛縣四皓事迹並見四卷
蕪城賦云木魅山鬼野鼠城狐風嘯雨嘯昏見晨浦

注說文魁老物精也。士不顧鍊金鼎而方堅。至

贊曰江淹別賦云守丹竈而韓伯傳贊曰異術同華葳蕤

青史陶潛詩哀哉亦可傷

峴山懷古

訪古登峴首。憑高眺襄中。天清遠峰出。水落寒沙空。弄珠見遊女。醉酒懷山公。感歎發秋興。長松鳴夜風。

齊賢曰峴山在襄陽南十里。鄭交甫過漢皋二女事見前。山公即山簡事。見前。潘安仁嘗作秋興賦。

蘇武

蘇武在匈奴十年持漢節。白雁上林飛。空傳一書札。

牧羊邊也。苦落日歸心絕。渴飲月窟水。飢食天上雪。

東還沙塞遠北愴河梁別泣把李陵衣相看淚成血

賢曰天漢元年且鞮侯單于立恐漢襲之曰漢天子我丈人行也盡歸漢使路充國等武帝嘉其義乃遣蘇武持節送匈奴使留在漢者因厚賂單于武與副張勝及假吏常惠俱至匈奴單于益驕議殺漢使者左伊秩訾曰宜皆降之單于使衛律召武受辭舉劍擬之武不動單于乃幽武大窖中絕不飲食天雨雪武臥啮雪與旃毛并咽之數日不使匈奴以爲神乃徙武北海無人處使牧羝羝乳乃得歸別常惠許各置他所武至海上廩食不至掘野鼠與草實而食之杖漢節牧羊卧起操持節毛盡落明年李陵降乃使陵至海上說之武曰必欲降武請畢今日之驩効死于前陵曰嗟夫義士陵與衛律之罪上通于天與武決去後昭帝即位數年與匈奴和親求武等謂單于言天子射上林中得雁足有繫帛書言武等在某澤中單于驚謝曰武等實在于是陵置酒賀武曰今足下還歸揚名于匈奴功顯于漢室雖古竹帛所

載何以過異域之人一別長絕陵起舞歌曰徑萬里
兮度沙漠爲君將兮奮匈奴路窮絕兮矢亦摧士衆
滅兮名已隕老母已死雖欲報恩將安歸單于召會
武官屬還者九人武留匈奴凡十九歲長楊賦西厭
月蠅東震曰域蠅音窟厭服也李陵與蘇子卿詩携
手上河梁遊子暮何之江文通詣建平王上書曰此
少卿所以仰天槌心泣盡而繼之以血也李陵與蘇
武書曰何志未立而怨已成此陵所以仰天槌心而
泣血也

經下邳圯橋懷張子房

子房未虎嘯。破產不爲家。滄海得壯士。椎秦博浪沙。
報韓雖不成。天地皆振動。潛匿遊下邳。豈曰非智勇。
我來圯橋上。懷古欽英風。唯見碧流水。曾無黃石公。

息此人去蕭條徐泗空

頌曰虎嘯而谷風冽張良

韓入大父父五世相韓秦滅韓良悉以家財求刺客刺
秦王東見滄海君得力士爲鐵椎重百二十斤秦皇
帝東遊良與客狙擊秦皇帝博浪沙中誤中副車帝
大怒索賊急良以更姓名亡匿下邳嘗閒從容步遊
下邳圯上有一老父衣褐至良所墮履圯下顧良下
取履良取履因跪進之父曰後五日平明與我會此
良夜未半往有頃父亦來喜曰當如是出一編書曰
讀此則爲王者師矣後十年興十三年孺子見我濟
北穀城山下黃石即我矣遂去後十三年從高帝過
濟北果見穀城山下黃石取而葆祠之良嘗稱公家
世相韓及韓滅不愛萬金之資爲韓報仇彊秦天下
振動班固贊曰聞張良之智勇以爲其貌魁梧奇偉
反若婦人女子太史公自序曰運籌帷幄之中制勝
於無形子房計謀其事無知名無勇功北山移文張
英風于

海甸

卷之三

卷之三

七

金陵三首

晉家南渡日。此地舊一作長安地即帝王宅。山為龍

虎盤。一作碧雨樓臺。金陵空壯觀。天塹一作江塞。淨波瀾。

醉客回橈去。吳歌且自歡。一作誰云行路難。齊賢曰。

建康謝朓詩金陵帝王州。諸葛亮曰鍾阜龍盤石城虎踞。魏文帝臨江而嘆曰嗟乎此天所以限南北也。

招魂吳歛蔡謳奏大呂注歛謳皆歌也。

其二

地擁金陵勢。城迴江漢一作水流。當時百萬戶。夾道起

朱樓。亡國生春草。王宮沒古丘。空餘後湖月。波上對

江州

一作瀟州齊賢曰謝朓詩江州起朱樓金陵帝王州逶迤帶綠水迢迢起朱樓

其三

六代興亡國。三杯為爾歌。苑方秦地少。一作小山似洛

陽多。古殿吳花草。深宮晉綺羅。併隨人事滅。東逝與

滄波。

齊賢曰六代吳晉宋齊梁陳也土贊曰江淹賦綺羅畢兮池館盡

秋夜板橋浦汎月獨酌懷謝朓

天上何所有。迢迢白玉繩。斜低建章闕。耿耿對金陵。

漢水舊如練。霜江夜清澄。長川瀉落月。洲渚曉寒凝。

獨酌板橋浦。古人誰可徵。去暉難再得。灑酒氣填膺。

齊賢曰春秋元命苞曰玉衡北兩星為玉繩星謝玄暉詩玉繩低建章又有之宣城出新林浦句板橋詩又有登三山望京邑詩曰餘霞散成綺澄江淨如練上贊曰東漢儒林傳贊曰千載不作淵源誰徵鮑照詩酒酒盪朱顏江淹恨賦曰置酒欲飲悲來填膺

過彭蠡湖

謝公入彭蠡因此遊松門余方窺石鏡兼得窮江源
前賞迹可見後來道空存而欲繼風雅豈云清心魂
雲海方助興波濤何足論青嶂憶遙月綠蘿愁鳴猿
水碧或可採金膏秘莫言余將振衣去羽化出囂煩

齊賢曰謝靈運入彭蠡湖口詩曰繁崖照石鏡牽葉
八公門三工事多生九瓜里空存露物希真恠異人

秘精寘金膏滅明光水碧絳流注萬里三峽地
自入湖三百三十里窮于松門東西十里青松偏于
兩岸張僧鑒潯陽記曰石鏡山東有一圓石懸厓明
淨照人見形繼風雅者繼靈運也山海經曰耿山多
水碧郭璞曰碧亦玉也穆天子傳曰河北示汝黃金
之膏陸士衡招隱詩振衣聊躋躅士贊曰左思詩振
衣千仞岡南史王僧虔傳曰若同歸九泉猶羽化也
晉許邁少恬靜不慕仕進徧遊名山採藥欲斷穀自
後莫測所終好道者皆謂之羽化

入彭蠡經松門觀石鏡緬懷謝康樂題詩書遊

覽之志

二篇或同或異故併錄之

謝公之彭蠡因此遊松門余方窺石鏡兼得窮江源
將欲繼風雅豈徒清心寘前賞逾所見後來道空存

况屬臨汎美而無洲渚喧漾水向東去漳流直南奔
空濛三川夕回合千里昏青桂隱遙月綠楓鳴愁猿
水碧或可采金精祕莫論吾將學仙去冀與琴高言
士贇曰山海經曰荆山漳水出焉而東南流注于江
謝朓詩空濛如薄霧散漫似輕埃謝靈運謝州島驟
迴合坼坼屢崩奔王僧達詩白日無精景黃沙千里
昏太清煉靈丹經曰丹砂外包入石內含金精列仙
傳琴高子趙人也行彭涓之術浮遊冀
州涿郡之間二百餘年後辭入涿水中

廬江主人婦

孔雀東飛何處棲廬江小吏仲卿妻為客裁縫君自

見城烏獨宿夜空啼

齊賢曰虞衡志孔雀生高山喬木之上人探其雛育之喜臥沙

中以沙白浴自拍甚適蓋巢于山樹下浴海片如老
尾長數尺金碧晃耀時時自奮張其尾圍如錦輪古
有烏夜啼曲士贊曰古樂府有崔仲卿妻詞仲卿為
府吏不歸妻之父母逼之改嫁妻守節而死此引以
比之也

陪宋中丞武昌夜飲懷古

清景南樓夜風流在武昌。庾公愛秋月乘興坐胡床。
龍笛吟寒水。天河落曉霜。我心還不淺。懷古醉餘觴。
懷古一作留客齊賢曰晉書庾亮鎮武昌諸佐吏發
浩之徒乘秋夜往共登南樓俄而亮至諸人將起避
之亮徐曰諸君少住老子於此興復不淺便據胡床
與浩等談詠竟夕武昌郡治武昌縣治故東鄂也楚
子熊渠封中子於此乃唐鄂州江夏郡之武昌縣而
唐鄂州乃晉武昌郡之沙羨縣如此則晉武昌自有

南樓太白豈未之考耶笛賦曰龍
鳴水中不見已截竹吹之聲相似

望鸚鵡洲懷禰衡

魏帝營八極蟻觀一禰衡黃祖斗筭人殺之受惡名
吳江賦鸚鵡落筆超羣英鏘鏘振金玉句句欲飛鳴
驚鸚啄孤鳳千春傷我情五嶽起方寸隱然詎可平
才高竟何施寡識冒天刑至今芳洲上蘭蕙不忍生
齊賢曰三國志吳都鄂其後遷建鄴後漢書禰衡平
原人有才辨而尚氣曹操懷忿而以才名不欲殺之
送劉表表不能容送江夏太守黃祖祖長子射大會
賓客有獻鸚鵡者射舉卮于衡前曰願先生賦之衡
筆不停綴文不加點後黃祖竟殺之論語斗筭之人

衡長傷使氣以喪其身也王贊曰江表子
有入極毛詩八鸞鏘鏘漢書策金聲而玉振之莊子
吾見子之心矣方寸之地虛
矣又無趾曰天刑之安可解

宿巫山下

昨夜巫山下猿聲夢裏長
桃花飛綠水三月下瞿塘
雨色風吹去南行拂楚王
高丘懷宋玉訪古一霑裳

土贊曰巫山及宋玉賦高丘神女事見前荊州記巴
東三峽巫峽長猿鳴二聲渙沽棠南史循史傳序曰
都邑之盛士女昌逸桃花綠水之間秋月春風之下
無往非適圖經云瞿塘峽在夔州之東舊名西陵峽
瞿塘乃三峽之門
峽口有灩澦堆

金陵白楊十字巷

白楊十字巷北夾湖溝道不見吳時人空生唐年草
天地有反覆宮城盡傾倒六帝餘古丘樵蘇泣遺老
齊賢曰六帝吳晉宋齊梁陳漢書李左車曰樵蘇後
人發殺機天地反覆後漢書董車傳論曰殘
寇乘之倒山傾海漢書傳劉向宗室遺老

謝公亭

蓋謝眺范
雲之所遊

謝公離別處風景每生愁客散青天月山空碧水流
池花春映日。牕竹夜鳴秋。今古一相接。長歌懷舊遊。

齊賢曰世說過江諸人每至美日輒相與新亭藉卉
飲宴周顗中坐而嘆曰風景不殊舉自有山河之異
皆相視流涕王贊曰鮑照

紀南陵題五松山

聖達有去就潛光愚其德魚與龍同池龍去魚不測
當時版築輩豈知傳說情一朝和殷人光氣爲列星
伊尹生空桑指庖佐皇極祠宮放太甲攝政無愧色
三年帝道明委質終輔翼曠哉至人心萬古可爲則
時命或大繆仲尼將一作其奈何鸞鳳忽覆巢麒麟不
來過龜山蔽魯國有斧且無柯歸來歸去來一作歸去來
去齊賢曰左傳聖達節老子曰盛德容
宵濟越洪波貌若愚說命注傳氏之巖在虞號界
通道所經有澗水壞道常使胥靡刑人築護此道說
賢而隱代胥靡築之以供食說命曰高宗夢得說營

求諸野得諸傳巖爰立作相莊子傳說得之以相武
丁乘東維騎箕尾而比于列星列子曰伊尹生乎空
桑注云伊尹毋居伊水上既孕夢神告曰舊水出而
東走無顧明日視舊水出東走十里顧視其邑盡爲
水身因化爲空桑有莘氏女子採桑得嬰兒于空桑
中命之曰伊尹獻之君令庖人養之長而賢爲殷相
伊訓曰成湯既沒伊尹奉嗣王祗見厥祖明言烈祖
之成德以訓于王王末克變營于桐宮王徂桐宮居
憂克終允德伊尹以冕服奉嗣王歸于亳司馬遷書
曰事乃有大繆不然者月令孟春禁毋覆巢禮運曰
鳳皇麒麟皆在郊畎龜龍在宮沼毛詩太山巖巖魯
邦所瞻奄有龜蒙遂荒大東箋云龜山蒙山也又云
何柯如之何匪斧不克注柯斧柄士贊曰後漢毛義
傳曰賢者固不可測書建用皇極注曰皇太極中也
左傳狐突曰策名委質貳乃辟也晉國語委質爲臣
無有二心孟子曰輔之翼之使自得之莊子曰古之
所謂隱上者非伏其身而弗見也非閉其言而弗出
也非藏其知而不發也時命大謬也當命命而大行

天下則及一無
寧極而待此存
奈何世說孔文舉一
家語鉏商干大野薤
來哉反袂拭面泣涕
為明王出出非其時
九害故傷焉謝靈運詩宵濟漁
潭

夜泊牛渚懷古

北地即謝尚聞
宏詠史處

牛渚西江夜。青天無片雲。登舟望秋月。空憶謝將軍。

余亦能高詠。斯人不可聞。明朝挂帆席。一作洞楓葉

落

一作

紛紛

士贇曰云日書謝尚進號鎮西將軍秋夜
望月聞袁宏詠詠並見前漢書叙傳酒

酒紛

紛

姑熟十詠

姑熟溪

愛此溪水閑乘流興無極漾楫怕鷗驚垂竿待魚食
波翻曉霞影岼疊春山色何處浣紗人紅顏未相識

齊賢曰唐宣州當塗縣姑熟隸焉有小溪自蕪湖
縣東流又北東至采石入江西施浣紗石事見前

丹陽湖

湖與元氣連風波浩難止天外賈客歸雲間片帆起
龜遊蓮葉上鳥宿蘆花裏少女棹歸舟歌聲逐流水

齊賢曰史龜策傳曰龜千歲乃遊蓮葉之上王贊曰
丹陽湖在當塗縣東南七十里春秋元命苞白水者

五行始爲元
氣之津也

謝公宅

青山日將暝寂寞謝公宅竹裏無人聲池中虛月白

荒庭衰草徧廢井蒼苔積惟有清風閑時時起泉石

齊賢曰太白傳晚好黃老度牛渚磯至姑熟悅謝家
青山欲終焉謝公宅即謝朓也士贇曰謝公宅在城

東青
山

陵歆臺

曠望登古臺臺高極人目疊嶂列遠空雜花間平陸
閑雲入窻牖野翠生松竹欲覽碑上文苔侵豈堪讀

齊賢曰謝靈運詩連嶂疊巘嶠丘希範與陳伯之書
日暮春三月江南草長雜花生樹羣鷺亂飛王贊曰
圖經凌歊臺在當塗縣城北黃山上宋武帝南遊嘗
登北臺因建離宮焉廣平曰陸謙眇詩夕陰曖平陸

桓公井

桓公名已古廢井曾未渴石甃冷蒼苔寒泉湛孤月
秋來桐暫落春至桃還發路遠人罕窺誰能見清徹
王贊曰桓公井在當塗東五里自紆山上寰宇志又
名楚山桓溫領妓遊山奏樂好爲白紆歌因名焉井
在其上

慈姥竹

野竹攢石生含煙映江島翠色落波深虛聲帶寒早

龍吟曾未聽鳳曲吹應好不學蒲柳凋真心常自保

齊賢曰馬融笛賦龍吟水中不見已截竹吹之聲相似漢志伶倫嶰竹制谷制十二簫以應鳳鳴顧愷之曰蒲柳之質望秋先零土贊曰當塗縣西北四十五里有慈姥山山上出竹堪爲簫管李善文選注曰慈姥山竹作簫管有妙聲丹陽記曰自伶倫採竹嶰谷後見此奇故歷代常給樂府又呼爲鼓吹山

望夫山

顒望臨碧空怨情感離別江草不知愁岩花但爭發
雲山萬重隔音信千里絕春去秋復來相思幾時歇

齊賢曰九域志昔有人適楚不還其妻登山望夫化爲石山在當塗縣正對和州郡樓

牛渚磯

本言不言 卷三
絕壁臨巨川連峰勢相向亂石流湫間迴波自成浪
但驚群木秀莫測精靈狀更聽猿夜啼憂心醉江上
齊賢曰溫嶠燃犀處事見前士贊曰牛渚山在當塗
縣北三十里山下有磯古津渡也與和州橫江渡相
對輿地志牛渚山昔有人潛行云此處通
洞庭旁達無底見金牛狀異乃見怪而出

靈墟山

丁令辭世人拂衣向仙路伏鍊九丹成方隨五雲去
松蘿蔽幽洞桃杏深隱處不知曾化鶴遼海歸幾度
齊賢曰遼東華表柱上有鶴云有鳥有鳥丁令威去
家千年今始歸抱朴子九轉丹服之三目得仙又曰
今液太乙所服而仙不減九丹
士贊曰靈墟山在當塗南十里

天門山

迥出江山上雙峰自相對
岼映松色寒石分浪花碎
參差遠天際縹緲晴霞外
落日舟去遙迴首沉青靄
齊賢曰宣城圖志云山在當塗西南三十里二山夾大江東曰博望西曰天門按郡國志天門亦曰峨眉
山輿地志博望梁山東西隔江相對如門相去數里
謂之天門士贇曰詩云參差荇菜陸機浮雲賦曰輕
翔縹緲徐敬業
詩迴首見長安

分類補註李太白詩卷之二十二

卷之三

三

三



